

## Valdiasaabbbar asetõs

### Meä'cchalltõõzzâst

Valdiasaabbbar meärrõõzz meâlddsânji šiõtteet Meä'cchalltõõzzâst u'vddum lää'jj (234/2016) 39 §:t 3 momeent, 41 §:t da 43 §:t vuäivva:

#### 1 §

##### Halltõs

Tõn lää'ssen mâi'd Meä'cchalltõõzzâst u'vddum lää'jjest (234/2016), mâ'ηjlest *meä'cchalltõõslää'kk*, šiõtteet, halltõõzz vuäzzlain õhtt mie'rreet mädd- da meä'cctäällministeriast da õhtt pirrõsministeriast.

Halltõõzz vuäzzlâst âlgg lee'd Meä'cchalltõõzz takaitueji le'be jäärnahtääl ää'sštobddmõõžž.

#### 2 §

##### Halltõõzz tuej

Meä'cchalltõõslää'jj 12, 19 da 33 §:st šiõttummu tueji lää'ssen halltõs:

1) tu'mmai jäärnahtuâimmjummuž hâ'ddummuž vuâddjurddjin da hâ'ddummuž kuõskki mie'rreemvää'ld âännmõõžžâst;

2) tu'mmai jäärnahtuâimmjummuž alttummsesst da loopptummsesst;

3) nâânad Meä'cchalltõõzz tuejriâšsmõõžž;

4) tu'mmai Meä'cchalltõõzz õlmmsaid vaaldâšmtuejid da tõi teäggtummuž kuõskki suâppmõõžžâst vuâddjurddjin õlmmsi vaaldâšmtueji juâggtoõõzz ceäkkmuužž vuäžžmest;

5) tu'mmai meä'cchalltõõslää'jj 4 §:t 2 momeentest õõlgtum vuässõõzzi, vuässbie'llvuõdi le'be vuäzzlazvuõdi ha'ηkkummuž da ouddmõõžž kuõskki e'tkkõõzz raajjmõõžžâst;

6) tu'mmai meä'cchalltõõslää'jj 27 §:t 2 momeentest õõlgtum ââsktõõzz ouddmõõžžâst;

7) tu'mmai Meä'cchalltõõzz tuejjummuž siiskâst vuâppmõõžžâst da riiski vaaldšummsesst;

8) tu'mmai tuâimtemjää'dteei tuej kuõskki suâppmõõžž mäâinin;

9) tu'mmai tuâimtemjää'dteei sâjjsin;

10) tu'mmai alttõõzz raajjmõõžžâst mädd- da meä'cctäällministeriâa'je tuâimtemjää'dteei reâuggvuõd loopptummsesst di da luâttškââtrdemptäälljää'dteei ve'rğğvuõd loopptummsesst da pu'rğğummsesst;

11) tu'mmai alttõõzz raajjmõõžžâst pirrõsministeriâa'je luâttkääzzkõsjää'dteei ve'rğğvuõd loopptummsesst da pu'rğğummsesst;

12) kiõttââll jee'res Meä'cchalltõõzz vuâd mie'ldd vâiddsa vaikkteei le'be vuâddjuurde'ld tää'rkes ää'sš da tu'mmai tõin.

#### 3 §

##### Tu'mmjemtueji halltõõzzâst

Halltõs noorâât saaggjää'dteei, le'be jõs son lij cõggnam, väärrsaaggjää'dteei kâçcmõõžžâst.

Halltõs lij mie'rreemvääldlaž, gu saaggjää'dteei le'be väärrsaaggjää'dteei di uu'ccmõsân peä'l jee'res vuäzzlain lij pääi'k â'lnn.

Halltõõzz tu'mmstõõgg tuejjeet õõutkeârdasain jiõni jeä'nbõõzzin. Jõs jiõn mâ'nne õõutnalla, tu'mmstõkkân šâdd tõt juurd, koon sâbbar saaggjää'dteei lij kanntam.

Halltõõzz vuäzzlâst lij vuõiggâdvuõtt vuäžžad çârneeji juurdes mie'rkkëed pârddkerija.

## 4 §

*Pa'lkõõzz*

Halltõõzz vuazzlai da teä'gğta'rkkeeji pa'lkõõzz mie'rrad madd- da meä'cctäällministeria.

## 5 §

*Mäddkääddla sagstõõllâmkkää'dd*

Madd- da meä'cctäällministeria šiotad jäänmõsân neellj eeggas vuârstes sagstõõllâmkkää'dd Lappi mäddkää'dd voudda, Tâ'vv-Vuâddmäädd da Kainuu mäddkää'ddi vuu'did di Tâ'vv-Ka'rijel mäddkää'dd voudda.

Juõ'kk sagstõõllâmkkâdda kooll madd- da meä'cctäällministeria mie'reem saaggjää'dteei da väärrsaaggjää'dteei di âau'c jee'res vuazzla, koin juõ'kkkâst lij väärrvuazzlaž. Sagstõõllâmkkâdda koll'jeei vuazzlai puätt ee'ttkâ'sted määngpeällsânji vuu'd narood, meä'cctääl, jie'llemvue'kkjallu, pirrõs-suõjjõõzz da meerlažorganisaatiod. Ou'ddel sagstõõllâmkkää'ddi šiotummuž madd- da meä'cctäällministeria rükk ää'sšvuä'msteejin mäddkää'ddi leettin di jeärrsin Meä'cchalltõõzz tuämmjummuž vuäđ mie'ldd tää'rkes čõõnõsjooukin e'tkkõõzzid sagstõõllâmkkää'ddid vaalšeejin persoonin.

Sagstõõllâmkkää'dd tuejjan lij:

1) oudd Meä'cchalltõ'sse ceäklmid miärkkšeejin valdia madd- da čää'ccvuu'di âänmõ'sše õhtteejin kõõčmõõžžin;

2) tuejjeed Meä'cchalltõ'sse alttõõzzid pääikla narood statuuzz lokku vä'lddem diõtt da jii'jesnallšemvuõdi õ'htešiotummuž diõtt Meä'cchalltõõzz tuämmjummuž plaanummšest.

## 6 §

*Sä'mmlai dommvoudda šiotteei sagstõõllâmkkää'dd*

Madd- da meä'cctäällministeria šiotad jäänmõsân neellj eeggas vuârstes sagstõõllâmkkää'dd Enontekiö, Aanar da Utsjoogg kää'ddi vuu'did.

Juõ'kk sagstõõllâmkkâdda kooll madd- da meä'cctäällministeria mie'reem saaggjää'dteei da väärrsaaggjää'dteei di čiččâm jee'res vuazzla, koin juõ'kkkâst lij väärrvuazzlaž. Sagstõõllâmkkää'ddest puätt lee'd Meä'cchalltõõzz, sää'mtii'gği, kää'dd, paalgâskää'ddi, kue'lltäällvuu'd, valdia meä'cctäällvuässõšõhtõõzzâst u'vddum lää'jjest (235/2016) õõlgtummu vuässõšõhtõõzz, jie'llemvue'kkjallu da kaauplai kue'llšii'll'ji ee'ttkâ'stem. Aanar kâdda šiotteejjest sagstõõllâmkkää'ddest puätt lee'd še nuõrtsä'mmlai siidsâbbar voboršek.

Sä'mmlai dommvoudda šiotteei sagstõõllâmkkää'dd tuäjjan lij u'vdded Meä'cchalltõ'sse ceäklmid da tuejjeed Meä'cchalltõ'sse alttõõzzid meä'cctääl, valdia määdd kaaupšummuž, vuä'sttmõõžž, vaajtummuž da vuäkrjummuž, luätree'gğesvuõđplaanummuž, motorkeälkkeäini da –rann'ji plaanummuž, luäđastvuejjam-, mie'cstummuš- di kue'llšee'llemlää'vid di valdia čaa'zzi kue'lltäällkõõčmõõžžid kuõskki aa'sšin.

## 7 §

*Sagstõõllâmkkää'ddi tuämmjummuš*

Ooudâst 5 da 6 §:st õõlgtummu sagstõõllâmkkää'dd noorâätt saaggjää'dteei le'be suu leämmaž čõggeen väärrsaaggjää'dteei kâččmõõžžâst da lij mie'reemvääldlaž, gu saaggjää'dteei le'be väärrsaaggjää'dteei di uu'ccmõsân nellj jee'res vuazzlain liä päi'k â'lnn.

Sagstõõllâmkaâ'dd tu'mmstõkkân puätt tõt jurddi, koon jeänab gu peä'l mie'ldd aârrjin lij kanntam, le'be jiõni mõõneen õõutnalla tõt jurddi, koozz sâbbar saaggjää'dteei lij õhttnam.

Sagstõõllâmkaâ'dd saaggjää'dteeja, väärrsaaggjää'dteeja da jee'res vuäzzli'žze määu'set pa'lkõõzz sâbbara vuässõõttmõõžžâst valdiateä'gõgministeria sâåbbarpä'lkõõzzid kuõskki kuä'ssag viõggâst aârrsiâzztõõzzi meâlddsânji. Sâbbara vuässõõttmõõžžâst jiâ määu's jee'res pa'lkõõzz.

Mädd- da meä'cctäällministeria mie'rrad lââ'ssen sagstõõllâmkaâ'dd saaggjää'dteei, väärrsaaggjää'dteei, jee'res vuäzzla da väärrvuäzzla pei'vvtie'gõg da mä'tkk-ko'rvvõõzzi vuâd.

8 §

*Vuõssmõs tillpää'jj*

Meä'cchalltõõzz vuõssmõs tillpää'jj põõtt 31 peei'v rosttovmannu 2016.

9 §

*Jaukkuum lää'jj vuäivva u'vddum asetõõzz suâvvtummuš*

Valdia jäärnakstroittli rekknâ'sttummšest da teä'gõgââ'nemčio'lgõgtõõzzâst u'vddum valdiasâbbar asetõõzz (160/2004) suâvvtummuš Meä'cchalltõ'sse põõtt 15 peei'v njuhččmannu 2016.

10 §

*Viõ'kkẽšõddmõš*

Tät asetõs šâdd viõ'kkẽ 15 peei'v njuhččmannu 2016.

He'lsnest 8 peei'v njuhččmannu 2016

Jie'llemvue'kkmini'stter Olli Rehn

Halltõsduumšẽk Vilppu Talvitie